



Minggu, 03 Maret 2024
Ogen: Nahum 2:1-2



Erbenting Kibullah Lako Erperang



Anak beru mekatep ikataken erbenting kibul. Erdahin, kuskas guna pesikap kerja dahin kalimbubu. Ertina sikap katawari paksa pe guna pehuliken dengen pehaga kalimbubuna. Bagenda me semalna ikataken kerna erbenting kibul. Erdandanken si e teridah nge arah perose anak beru tupung erkerja e labo ermetik tapi erbenting kibul (munjutken uis nipes e bas awak segelah banci meliar bas erdahin). Erbenting kibul e latih kap.

Bas kitab Nahum enda kata persinget ituriken nandangi bangsa Neniwe, e me bangsa si kejam dengen njajah kegeluhen bangsa Israel. Kejahaten Neniwe e mabai kalak erpekat guna ngelawan Tuhan, seh maka kejahatan e i jah i je jadi me. Padan Si Ndekah alu tangkas nuriken maka kejahatan (kinilapatuhen man Dibata mabai ukumen, kelsehen) tapi man kalak si patuh man Dibata ngaloken pasu-pasu kap. Ngidah kerina lagu langkah si macik ilakoken Neniwe maka persinget rikut ras pernembah ateNa nuriken maka ndabuh me Neniwe e. Kai saja e? Sangana iperang, kuasa siengkernepken ia reh me, e maka erbenting kibullah guna erperang. Tentuna arah kai situriken enda nuduhkan kebiaren e reh me, itaban me, ijajah me dengen ikernepke me. Kerina si enda jadi erkiteken Dibata mbela bangsaNa. KekelengenNa e njemba IA guna ngulihkan kemuliaan bangsa si kelengiNa.

Moria, kita kap kekelengen ni Tuhan. Mbue peperangen sinialaken kita, banci jadi turah kiniseran dengen perbahanen si la adil sinialoken kita i bas kegeluhen enda. Bagi Dibata mbela bangsa sikelengiNa bage ka me Dibata mbela kegeluhenta. Teklah adi ras Dibata kita malem nge bas paksaNa. Uga gia kecibal sinialaken kita, ernalemlah tetap. Jadilah perkakas Dibata si tetap erbenting kibul guna ngelai Dibata. Iulihkan Tuhan me kemuliaan e man banta jadi pengarapen si tetap ngeluh i bas dirinta teptep warina

